

ADRODDIAD I'R:	Pwyllgor Trwyddedu
DYDDIAD:	7 Rhagfyr 2022
SWYDDOG ARWEINIOL:	Pennaeth Cynllunio, Gwarchod y Cyhoedd a Gwasanaethau Cefn Gwlad
SWYDDOG CYSWLLT:	Rheolwr Busnes Gwarchod y Cyhoedd trwyddedu@sirddinbych.gov.uk 01824 706066
TESTUN:	Y wybodaeth ddiweddaraf am yr adolygiad o Dabl Ffioedd Cerbydau Hacni

1.0 PWRPAS YR ADRODDIAD

- 1.1 Rhannu'r wybodaeth ddiweddaraf ag Aelodau ynglŷn â'r adolygiad o'r Tabl Ffioedd Cerbydau Hacni presennol ("tariff") a cheisio cyfeiriad ar gyfer camau gweithredu yn y dyfodol.

2.0 CRYNODEB GWEITHREDOL

- 2.1 Yn dilyn cais gan yr Aelodau mewn cyfarfod blaenorol, adolygwyd y ffioedd tariff presennol gan Swyddogion.
- 2.2 Cynigiwyd nad oes unrhyw newid i'r tariffau.

3.0 PŴER I WNEUD Y PENDERFYNIAD

- 3.1 Deddf Llywodraeth Leol (Darpariaethau Amrywiol) 1976

4.0 GWYBODAETH GEFNDIR

- 4.1 Yn wahanol i gerbydau hurio preifat, lle mae'n rhaid archebu o flaen llaw trwy weithredwr cwmni tacsis, gall Cerbydau Hacni, y cyfeirir atynt yn aml fel tacsis, weithredu mewn safle tacsu neu trwy gael eu stopio ar y stryd. Dylid nodi y gall cerbyd hacni ymgymryd â dyletswyddau cerbyd hurio preifat, ond ni all cerbyd hurio preifat weithredu fel cerbyd hacni.
- 4.2 Mae Adran 65 Deddf Llywodraeth Leol (Darpariaethau Amrywiol) 1976 ("y Ddeddf") yn caniatáu i'r Cyngor bennu cyfraddau neu ffioedd o fewn y sir mewn perthynas â llogi cerbyd hacni. Nid oes unrhyw ofyniad i bennu ffioedd cerbydau hurio preifat.

- 4.3 Ni all perchennog / gyrrwr godi tâl o fwy na'r cyfraddau tariff a bennir am siwrne, a bydd yn cael ei gyfrifo gan fesurydd sydd wedi'i raddnodi'n briodol i'r tariff a gyhoeddir.
- 4.4 Ystyriodd yr Aelodau'r adroddiad ar y ffioedd tariff yng nghyfarfod y Pwyllgor Trwyddedu ym mis Mehefin a phenderfynwyd diwygio'r tariff. Mae'r tariff presennol i'w weld yn Atodiad 1. Yn ogystal, gofynnodd yr Aelodau i Swyddogion adolygu'r ffioedd ac adrodd yn ôl i'r Pwyllgor o fewn 6 mis.
- 4.5 Arweiniwyd y gwaith o ymgynghori, casglu ac adrodd ar y canfyddiadau gan Ymgynghorydd addas, ac mae'r adroddiad hwnnw i'w weld yn Atodiad 2.
- 4.6 Yn dilyn peth ymgysylltu â chwmnïau tacsis trwyddedig yn lleol, ymgynghorwyd â'r cyhoedd ynghylch tariff arfaethedig. Hyrwyddwyd yr ymgynghoriad yn uniongyrchol â deiliaid trwydded yn y diwydiant tacsis ac yn eang trwy'r wasg leol a'r cyfryngau cymdeithasol. Ceir crynodeb o'r ymatebion gan fusnesau a'r cyhoedd yn Atodiad C a D sydd ynghlwm ag adroddiad yr Ymgynghorydd.
- 4.7 Yn gyffredinol, roedd yr ymatebion yn cyfleu nad oedd angen newid y tariff.

5.0 YSTYRIAETHAU

- 5.1 Bydd Aelodau'n nodi bod adroddiad yr ymgynghorydd yn argymhell:
- Cyflwyno tri Thariff ar gyfer Tacsis sydd â lle i bedwar o bobl a thariff i dacsis sydd â lle i bump neu fwy o bobl.
 - Talgrynnu cyfradd tariff fesul uned, i 10au o geiniogau, er mwyn cael gwared ar y defnydd o geiniogau copr.
 - Cynyddu/lleihau pris teithio blynyddol, yn unol â'r Mynegai Prisiau Manwerthu ar gyfer Moduro.
 - Mabwysiadu'r fethodoleg arfaethedig
- 5.2 Mae Adran 4 adroddiad yr Ymgynghorydd yn cyflwyno methodoleg gynhwysfawr, sy'n galluogi'r Cyngor i bennu tabl prisiau teg a thryloyw, gan ystyried pob mater perthnasol, gan gynnwys y cyflog cyfartalog a chyfanswm cost y filltir. Bydd Aelodau'n nodi, er mwyn gallu gweithredu'r fethodoleg arfaethedig, bydd angen yr holl ddata presennol, gan gynnwys pellter nodweddiadol siwrne, gan weithredwyr a pherchnogion, fel bod modd asesu'r union gostau yn effeithiol wrth ystyried unrhyw newidiadau i'r tariff presennol.

5.3 Yn olaf, dylai Aelodau nodi fod Llywodraeth Cymru wedi cadarnhau y byddent yn cyhoeddi papur gwyn ar gyfer ymgynghoriad yn gynnar yn 2023, mewn perthynas â deddfwriaeth tacsis, a allai gynnig rhai ystyriaethau o ran pennu ffioedd yn y dyfodol.

6.0 ARGYMHELLIAD

6.1 Bod Aelodau'n ystyried cynnwys yr adroddiad hwn, ynghyd â chanfyddiadau adroddiad yr Ymgynghorydd yn Atodiad 2 a phenderfynu:

- cadw'r tariff fel y mae wedi'i bennu ar hyn o bryd yn Atodiad 1, a
- rhoi cyfarwyddyd i Swyddogion i gynnal ymchwil pellach, gan gynnwys mewnbwn angenrheidiol gan ddeiliaid trwydded lleol, er mwyn galluogi Aelodau i bennu ffioedd tariff priodol yn y dyfodol.